

Ժողովուրդ

7 հունիսի չորեքշաբթի 2023
տպագրության ժԲ տարի

81
(2747)

✉ ք. Երևան, Արմյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

ՀԱՊԿ-ԻՑ ԴԺԳՈՂՈՐԸ ԳՆՈՒՄ Է ՀԱՊԿ ՆԻՍՏԻՆ ՄԱՍՆԱԿՑԵԼՈՒ




ՀԱՊԿ-ից մշտապես դժգոհող ու ՀԱՊԿ-ին քննադատող ԱԽ քարտուղար Արմեն Գրիգորյանն այսօր մասնակցելու է ՀԱՊԿ ԱԽ քարտուղարների նիստին: «Ժողովուրդ» օրաթերթը կառավարությունից տեղեկացավ, որ նիստին մասնակցելու նպատակով ԱԽ քարտուղարը հունիսի 7-8-ը գործուղվելու է Բելառուս՝ Նիկոլ Փաշինյանի որոշմամբ: Հատկանշական է, որ Արմեն Գրիգորյանը թերեւս իշխանության ամենահակառուսական ներկայացուցիչն է համարվում, նա մշտապես բավականին կոշտ քննադատություններ է անում ՀԱՊԿ-ի հասցեին, մինչեւ անգամ ՀԱՊԿ-ից դուրս գալու կոչեր է պարբերաբար անում: Արմեն Գրիգորյանն էր թերեւս այն թեզի հեղինակը, թե ՌԴ-ն ճնշում է Հայաստանին Ռուսաստան-Բելառուս միութենական դաշինքին անդամակցելու համար: Հետո, իհարկե, Նիկոլ Փաշինյանն ասաց, թե փորձագիտական մակարդակով են քննարկում, ճնշում չկա:

Ազգային ժողովում կան պատգամավորներ, որոնք «վոյաժների» մեծ սիրահար են եւ առիթը բաց չեն թողնում այս կամ այն միջոցառման անվան տակ արտերկիր մեկնել: Այս անգամ խոսքը «Քաղաքացիական պայմանագիր» խմբակցության պատգամավոր Ծովինար Վարդանյանի մասին է: Նա որոշել է հունիս ամիսը Նվիրել շրջապայությունների: Այս օրերին ԶԳ-ական պատգամավորն արդեն Վաշինգտոնում է: Աժ նախագահի որոշումից «Ժողովուրդ» օրաթերթը տեղեկանում է, որ նա մեկնել է ԱՄՆ՝ Կանանց, խաղաղության եւ անվտանգության ազգային համակարգողների ցանցի բարձր մակարդակի հինգերորդ հանդիպմանը մասնակցելու համար հունիսի 5-10-ը: Ընդ որում՝ միայն գիշերակացն է հրավիրող կողմի հաշվին: Այդ նույն որոշման մեջ նշվում է, որ մյուս ծախսերը կարվեն պետությունից հաշվին: Արդեն Երեւան վերադառնալուց օրեր անց Վարդանյանը մեկնելու է Վիեննա՝ «ԵՄ-ն հանուն գենդերային հավասարության բարեփոխումների օգնության պատուհան» ծրագրի՝ գենդերային բյուջետավորման թեմայի վերաբերյալ ուսուցողական այցին մասնակցելու համար՝ հունիսի 19-23-ը. այստեղ բոլոր ծախսերը հոգալու է հրավիրող կողմը:



Ամառը խորհրդարանում թե՛ է լինելու: Հաջորդ շաբաթ մեկնարկում են Աժ հերթական նիստերը, իսկ ամռանը արտահերթ նիստեր կլինեն, քանի որ շատ նախագծեր կան, որոնք օրում են մնացել, դեռ չեն քննարկվել, ուստի, հերթական նիստերից բացի, Աժ արտահերթ նիստեր կգումարվեն, որպեսզի նախագծերը քվեարկվեն: «Ժողովուրդ» օրաթերթի ԶԳ-ական աղբյուրները փոխանցեցին, որ պատգամավորներին հրահանգ է իջեցվել մինչեւ Աժ պաշտոնական արձակուրդը՝ հուլիսի 15, գուցե նաեւ մինչեւ օգոստոսի 1-ը երկրից երկար ժամանակով ջնջակայել, արձակուրդի ծրագրեր չկազմել: Արտահերթ նիստերի ավարտից հետո նոր պատգամավորները կարող են հանգստի մասին մտածել: Ընդ որում՝ ԶԳ-ականներին ասվել է, որ ամռանը եւս քաղաքական դաշտն ակտիվ պետք է պահել, նոր նախագծեր հեղինակել, տարբեր թեմաներով քննարկումներ կազմակերպել: Թե որն է սրա նպատակը, ԶԳ-ականների համար եւս անհասկանալի է, բայց «հրահանգ է» եկել, պետք է կատարեն: Գուցե պատճառը Երեւանի ավագանու ընտրություններն են:



«Ժողովուրդ» օրաթերթի տեղեկությունների համաձայն՝ իրավապահները Փարաքարի գյուղապետի մասնակցությամբ տեղի ունեցած միջադեպի դեպքում փոխ փորձում են աչք փակել ու կարճել այն: Քաղաքական իշխանությունները իրավապահներին հասկացրել են, որ համայնքի ղեկավարն իրենց «սրտի պաշտոնյան» է, ու պետք է թեման փակել: «Ժողովուրդ» օրաթերթը այս առիթով դիմեց ՀՀ քննչական կոմիտեի հասկանալու համար, թե ինչ ընթացք ստացավ համայնքի ղեկավարի մասնակցությամբ գրանցված միջադեպը, ինչին ի պատասխան՝ Կոմիտեի լրատվականից հայտնեցին. «Փարաքարի գործով երկու անձի նկատմամբ քրեական հետապնդում է հարուցված՝ ՀՀ քրեական օրենսգրքի 297-րդ հոդվածի 2-րդ մասի 1-ին կետով: Նրանց նկատմամբ խափանման միջոց է ընտրված բացակայելու արգելքը: Այս պահին նախաքննությունը շարունակվում է»: Նշենք, որ մեղադրյալներից մեկը հենց Փարաքար խոշորացված համայնքի ղեկավարն է, որի նկատմամբ քրեական հետապնդում է հարուցվել, ու երկրից բացակայելու արգելք դրվել: Հիշեցնենք, որ այս տարվա ապրիլի 24-ին ArmLur.am-ը գրել էր, որ Փարաքար գյուղից հասած տեղեկությունների համաձայն՝ ուշ գիշերին Թալիբով գյուղում գործող «Կալիֆորնիա» գիշերային ակումբում թե՛ կոկոն է եղել: Փարաքար խոշորացված համայնքի ղեկավար Դավիթ Մինասյանը եւ Գոռ անունով եւս մի անձ, իրենց ընկերների հետ միասին գտնվելով ոգելից խմիչքի ազդեցության տակ, անհարկի վիճարկել են նշված ակումբում գտնվող անձանց հետ, հնչեցրել սեռական բնույթի հայտնանքներ, բացահայտ անհարգալից վերաբերմունք դրսևորել հաճախորդների, նշված ակումբի աշխատակիցների նկատմամբ, բռնություն գործադրել հաճախորդների նկատմամբ եւ ապակյա բաժակներով հարվածել պատերին, կտրել ակումբի ապակիները, այնուհետեւ նույն վարքագիծը դրսևորել ակումբից դուրս՝ ճանապարհի երթեւեկելի հատվածում, խափանել են ավտոմեքենաների բնականոն երթեւեկությունը: Ու սա ներվում է Նիկոլ Փաշինյանի իշխանության կողմից:



ԸՆԴԴԵՄ՝ ԲՊ-ԱԿԱՆՆԵՐԻ

Մահմանադրական դասարանի աշխատակազմի նախկին ղեկավար Էդգար Ղազարյանն ապրիլի 4-ին ԱԺ մարդու իրավունքների և հանրային հարցերի մեծական ժողովի արտահերթ նիստում ԲՊ-ական դատաբանության ղեկավարի մասով հայց էր ներկայացրել դասարան:

Հիշեցնենք, որ այդ օրը՝ նիստի ժամանակ, ԲՊ-ականները ազդեցիկ պահվածք էին ցուցաբերում, մասնավորապես՝ ԲՊ խմբակցության քարտուղար Արթուր Յովհաննիսյանը սպառնում էր Էդգար Ղազարյանին «կտրել ականջն ու լեզուն»:

«Ժողովուրդ» օրաթերթի հետ զրույցում Ղազարյանը նշեց, որ ԲԿ-ն հրաժարվել է վարույթ հարուցել ԲՊ-ականների վարքագծի մասով:

«Ես դեռ պաշտոնապես չեմ ստացել դատարանի որոշումը, բայց Datalex-ում տեղադրված է, որ դատարանը հրաժարվել է էդ գործը վարույթ ընդունել, այսինքն՝ ԱԺ-ի որոշումը բողոքարկելու մեր հայցարդիմումը հրաժարվել է վարույթ ընդունել: Նայեք՝ ինչ հետաքրքիր բան է ստացվել:

Առաջինը՝ ում որ մակագրվել է, էդ դատավորը յոթօրյա ժամկետում դա պետք է աներ, յոթերորդ օրը նոր իմացել է, որ պիտի իմ ենթակայության տակ ու մնա-հիտ Մանասյանի հետ աշխատի: Այսինքն՝ առաջին օրը չի իմացել, որ ինքնաբացարկ հայտարարի, պահել է, վերջին օրով է կայացրել:

Ինքնաբացարկից հետո գործը մակագրվել է ուրիշ դատավորի, որը, պարզվում է, հետաքրքիր գուճադիպու-թյամբ ծնվել է Տավուշի մարզի Իջեան քաղաքում, դատավորի պաշտոնը ստանձնել է ադրբեջանաթուրքական հեղափոխությունից հետո, ու ինքն էլ որոշում է կայացրել, որ գործը պիտի վարույթ չընդունի այնպիսի պրիմիտիվ մեկնաբանություններով, որ ոչ մի իրավաբանի պատիվ չէր բերի էդ ամեն ինչը գրելուց հետո գործի վարույթը մերժել:

Ասում է ԱԺ՝ ներկայացուցչական մարմնի կայացված որոշումները դատարանում չեն կարող քննարկման առարկա դառնալ:

Այսինքն՝ ըստ էդ դատավորի փառահեղ կարծիքի՝ Ազգային ժողովը ցանկացած ապօրինություն կարող է անել, ցանկացած օրենք, սահմանադրություն կարող է խախտել, եւ եթե դրանով խախտվում է կոնկրետ գործընթացի մասնակցի իրավունքները, դա չի կարող երբեք դատարանում քննարկվել:



Այսինքն՝ նման պրիմիտիվ մեկնաբանություն ես, անկեղծ ասած, որեւէ տեղից չէի լսել: Բնականաբար, մենք դա բողոքարկելու ենք եւ հետետողականություն ենք ցուցաբերելու, բայց դրա հետ կապված ես նաեւ դիմել էի դատախազություն, որպեսզի քրեական գործ հարուցեն ԱԺ ԲՊ խմբակցության մի շարք պատգամավորների վրա, այսինքն՝ մեկ կամ մի քանի պատգամավոր չէր, այլ կոնկրետ հանցախումբ էր գործել, ընդ որում՝ Քրեական օրենսգրքի 4 հոդվածներով ենթադրյալ հանցագործությունների կոնկրետ փաստով, որը ուղիղ եթե-րով տեսանելի է եղել ողջ հասարակության առաջ: Քննչական կոնստենտ հրաժարվել է վարույթ հարուցել, հիմա դա էլ բողոքարկել ենք դատախազություն. ոչ մի պատասխան չկա:

Այսինքն՝ որոշումների հետ կապված ժամկետներ չկան: Ես նաեւ քաղաքացիական հայցով դիմել եմ Արարատ եւ Վայոց ձորի մարզերի քաղաքացիական դատարաններ եւ Երեւան քաղաքի քաղաքացիական դատարան Արթուր Յովհաննիսյանի եւ Ռուստամ Բաքոյանի՝ ար-

ժանապատվությունը վիրավորելու եւ զրպարտության հետ կապված ներողություն խնդրելու եւ ֆինանսական փոխհատուցման հարցով: Դրանք դատարանը հետ է ուղարկել, ասում է, որ պետք է սահմանված տուրքի չափը մուծել, չնայած որ մենք միջնորդություն ենք ներկայացրել, որ ես այս պահին աշխատանք չունեմ: Փաստաթղթեր էի ներկայացրել դրա վերաբերյալ՝ խնդրելով, որ տուրքի հարցը դատարանում քննարկի դատաքննության վերջում, բայց դատարանը հետ է վերադարձրել, որպեսզի ես էդ հնարավորությունից զրկվեմ:

Ես հիմա դիմել եմ իմ ընկերների աջակցությանը եւ հիմա էլ եմ դիմում. եթե կլինեն մարդիկ, ովքեր էդ հարցով ինձ կօգնեն, շնորհակալ կլինեմ, որ օգնեն՝ 600,000 դրամ պետական տուրքը վճարվի, որպեսզի էդ երկու պատգամավորները հետագայում ամեն մեկը 9,000,000 դրամ ինձ վճարեն, եւ ես կվերադարձնեմ ինձ օգնած մարդկանց գումարները:

Քրիստինա Սուեդոյան

ՄԵՆՅԱԿՆԵՐԸ ՀՄԿՈՂՈՒԹՅԱՆ ՏԱԿ ԵՆ ԵՂԵԼ

Ինչո՞ւ են պաշտոնից ազատվել ՀՀ երկրորդ եւ երրորդ նախագահներ Ռոբերտ Քոչարյանի ու Սերժ Սարգսյանի քրեական գործերը հսկող դատախազները: «Ժողովուրդ» օրաթերթին դատախազության համակարգից լուրեր հասան առ այն, որ դատախազների սենյակները օպերատիվ հսկողության տակ են եղել, ինչի արդյունքում, ըստ համակարգում տարածված լուրերի, դատախազները, անգամ իմանալով այդ մասին, կարծիք են հայտնել՝ «ջանդամ իրենց չեն լսում», ու գլխավոր դատախազ Աննա Վարդապետյանի մասին վիրավորական արտահայտություններով խոսակցություններ են ունեցել, ինչն էլ դարձել է նրանց՝ համակարգից ազատման պատճառ: Թե որքանով են համակարգում տարածված այս խոսակցությունները իրական, ցույց կտա ժամանակը, սակայն երեկվանից համակարգում ակտիվ խոսում են այս մասին:

Հիշեցնենք, որ երեկ հայտնի դարձավ, որ աշխատանքից ազատման դիմում են ներկայացրել գլխավոր դատախազի տեղակալ Գեորգ Բաղդասարյանը եւ Կոտայքի մարզի դատախազ Պետրոս Պետրոսյանը, որոնք Ռոբերտ Քոչարյանի՝ «Մարտի 1»-ի գործով մեղադրողներն էին:

Բացի այդ, աշխատանքից ազատման դիմում է գրել նաեւ Սերժ Սարգսյանի գործով դատախազ Արսեն Մարտիրոսյանը:

ՀԱՍՏԻՔՆԵՐԸ ԹԱՓՈՒՐ ԵՆ ԹՈՂԵԼ

ՀՀ կրթության, գիտության, մշակույթի եւ սպորտի նախարար Ժամնա Անդրեասյանն ունի 5 տեղակալ, սակայն պաշտոնական կայքում առկա տվյալների համաձայն՝ պետք է լինի եւս մեկ տեղակալ, որի հաստիքը, սակայն, թափուր է: Միեւնույն ժամանակ, թափուր է նաեւ Բարձրագույն եւ հետբուհական մասնագիտական կրթության վարչության պետի տեղակալի պաշտոնը: Հայաստանի ամենաերկար անուն ունեցող նախարարությունում այլ թափուր հաստիքներ էլ կան. պետ չունի Մասնագիտական կրթության եւ ուսուցման քաղաքականության մշակման եւ ռազմավարության բաժինը, ինչպես նաեւ ամենակարեւոր վարչությունների մեկը՝ Հանրակրթության վարչությունը:

«Ժողովուրդ» օրաթերթը տեղեկացավ՝ Իրավաբանական վարչությունում էլ թափուր են փաստաթղթերի ուսումնասիրման եւ դատական գործերի բաժնի պետի եւ օրենսդրության բաժնի պետի հաստիքները: Եվ ամենակարեւորը՝ նախարարությունը չունի նաեւ մամուլի քարտուղար: Օրուգիշեր թափանցիկ կառավարման մասին խոսող Նիկոլ Փաշինյանի իշխանությունը հանրության հետ շփման մասնագետների անգամ չի նշանակում:

ՔԱՂԱՔԱԿԱՆ ՀԵՏԱՊՈՆԴՈՒՄՆԵՐ

ՓՈՂԵՐԻ ԼՎԱՅՈՒՄՆ ՈՒ ԱՌԵՎԱՆԳՈՒՄԸ

Արդեն տեսական ժամանակ է՝ անցանկալի անձանց կալանավորումը իշխանությունների համար դարձել է սովորական երևույթ, եւ վերջիններս այդդիտով աս հաճախ «դատում են» նրանց, ովքեր չեն կիսում իրենց կարծիքն ու զաղափարները: Այլ կերպ ասած, քաղաքական հետադիմումները այս իշխանության օրն հասել են իրենց դասական դիկին:

Երեկ «Ժողովուրդ» օրաթերթը տեղեկացրել էր, որ Վերաքննիչ քրեական դատարանը որոշում է կայացրել բավարարել Աշոտ Փաշինյանի առեւանգման

գործով մեղադրյալ Գայանե Հակոբյանի կալանքը տնային կալանքով փոխարինելու միջնորդությունը: Դատարանը որոշեց փոխել Գայանե Հակոբյանի խափանման միջոցը, բավարարել հանրային մեղադրողի միջնորդությունը եւ կալանավորել նրան 1 ամիս, 15 օր ժամկետով:

Այս ամենին զուգահեռ, ավելի վաղ Հակակոռուպցիոն դատարանում քննվող նախկին ոստիկանապետ Վլադիմիր Գասպարյանի թիկնազորի նախկին պետ Արշակ Հակոբյանի (Վովայի Արշակ) գործը, որը առանձնապես խոշոր չափերով գույքի չհայտարարագրմանը,

ինչպես նաեւ հանցավոր ճանապարհով ստացված առանձնապես խոշոր չափերով գույքը՝ 22.007.259 ՀՀ դրամի օրինականացման մեղադրանք էր, նույնպես խափանման միջոց է նշանակվում տնային կալանքը: Նրա հանդեպ խափանման միջոցը փոխվեց տնային կալանքով՝ համակցված բացակայելու արգելքով՝ 3 ամիս ժամկետով:

Այսինքն՝ Արշակ Հակոբյանի՝ այսպիսի խոշոր չափի փողերի լվացման գործը հավասարեցվում է Գայանե Հակոբյանի գործին՝ երկու դեպքում էլ ընտրելով նույն խափանման միջոցը:

ՄԱՆԱ ՄԵԼՈՆՅԱՆ

ԻՐԱՎԻՃԱԿ

ԽԱԽՏՈՒՄՆԵՐ

ՀԱՄԱՅՆՔԱՊԱՏԿԱՆ ՄԱՆԿԱՊԱԲՏԵՋՆԵՐԻՆ ՕՏԱՐՎԵՑԻՆ

ՔԱՂԱՔԱՊԵՏԻ ԳՈՐԾԱՌՈՒՅԹՆԵՐԻ ԲԱՇԽՈՒՄ

«Գործակարգավարական նիստերի անցկացման ֆորմատը քաղաքապետարանի ներքին որոշումն է, մենք այնպես ենք աշխատանքը բաշխել, որ մեզ հարմար լինի»,- հունիսի 6-ին ԱԺ-ում լրագրողների հետ զրույցում նշեց Երեւանի քաղաքապետի պաշտոնակատար Լեւոն Զովհաննիսյանը՝ պատասխանելով հարցին, թե ինչպես է, որ քաղաքապետարանում գործակարգավարական նիստերը վարում է Տիգրան Ավինյանը, իսկ, այ, բյուջեն ներկայացնելու համար եկել է ինքը:

Հարցին՝ այդ ոնց են աշխատանքը բաժանել, որ բոլոր PR-վելու գործերը բաժին են հասել Տիգրան Ավինյանին. ժապավեն կտրելիս ինքն է, բացումներ անելիս ինքն է, կառավարության նիստերին ինքն է, Լեւոն Զովհաննիսյանը պատասխանեց. «Պարոն Ավինյանը 2018-2022 թվականներին եղել է փոխվարչապետ. սա նշանակում է, որ նա շատ լավ տիրապետում է կառավարության աշխատանքը, մասնավորապես՝ նաեւ ֆինանսական ոլորտի հետ կապված: Մենք կառավարություն դիմել ենք տարբեր հարցերով, եւ այդ աշխատանքը պարոն Ավինյանը կարող է անել շատ արդյունավետ, նա այդ աշխատանքն արել է շատ արդյունավետ, կան հստակ արդյունքներ արդեն: Մենք նպատակահարմար ենք գտնում, որ հենց ինքը ներկա լինի կառավարության նիստերին»:

Դիտարկմանը, որ կանոնակարգը պահանջում է, որ կառավարության նիստերին ներկա լինի Երեւանի քաղաքապետը, ոչ թե փոխքաղաքապետը, Զովհաննիսյանը խուսափեց արձագանքել:

Հարցին, թե արդյոք քարոզարշավ չէ, որ Երեւանի ընտրություններին մի քանի ամիս առաջ Տիգրան Ավինյանը մասնակցում է միջոցառումների, մանկապարտեզներ, խաղահրապարակներ, այլ ենթակառուցվածքներ է բացում, քաղաքապետի պաշտոնակատարը պատասխանեց. «Ոչ, եւ դա չէմ համարում քարոզարշավ, համարում եմ ընթացիկ աշխատանք: Այդ տրամաբանությամբ ստացվում է, որ յուրաքանչյուր քաղաքական թիւմ, որը տվյալ պահին այդ համայնքում ղեկավարում է, պարզապես ընտրություններից մեկ տարի առաջ գործ չանի»:

Այն ոլորտները, որտեղ պարոն Ավինյանն է ղեկավարում, մասնավորապես՝ շինարարության, ինքն էլ ներկա է լինում բացմանը, ինչը շատ նորմալ է»:

Նշենք, որ Երեւանի ավագանու ընտրությունները տեղի են ունենալու սեպտեմբերի 17-ին: Իշխող ՔՊ-ն հայտարարել է, որ քաղաքապետի իրենց թեկնածուն Տիգրան Ավինյանն է:

Ի կասարումն ՀՀ գլխավոր դատախազի հանձնարարության՝ Արաբկիր եւ Քանաքեռ-Զեյթուն վարչական շրջանների դատախազությունում քննության առարկա են դարձել համայնքի սեփականության իրավունքով փոխանցված մանկապարտեզների օտարման գործընթացները:

Նկատի ունենալով, որ համայնքին սեփականության իրավունքով փոխանցված ուսումնական հաստատությունը (Նախկին վարչական հաստատությունը) օտարվելու դեպքում չի կարող օգտագործվել այլ նպատակներով (քրեական վարույթների ուսումնասիրությամբ պարզվել է, որ մի շարք մանկապարտեզներ օտարվել են որպես ոչ բնակելի տարածքներ, իսկ որոշ դեպքերում՝ ներառվել բնակելի ֆոնդում)՝ Երեւան քաղաքի Արաբկիր եւ Քանաքեռ-Զեյթուն վարչական շրջանների դատախազությունը 2023 թվականի հունիսի 5-ին Վարչական դատարան է ներկայացրել 5 հայց՝ Արաբկիր եւ Քանաքեռ-Զեյթուն վարչական շրջաններում գործած մանկապարտեզների տարածքներն օտարելու վերաբերյալ համայնքի ավագանու եւ համայնքի ղեկավարի համապատասխան որոշումներն անվավեր ճանաչելու պահանջի մասին:

Մասնավորապես՝ Դատախազությունը Վարչական դատարանում վիճարկում է.

1. Երեւան քաղաքի Քանաքեռ-Զեյթուն համայնքի Դ. Անհաղթ փողոցի 5 հասցեում գտնվող 141.5 քմ մակերեսով շինության օտարումը (Նախկին 147 մետր-մանկապարտեզ), իսկ որպես հետեւանք՝ վերոնշյալ տարածքի նկատմամբ «Ն» ՍՊ ընկերության սեփականության իրավունքի գրանցումը:

2. Երեւան քաղաքի Քանաքեռ-Զեյթուն համայնքի Դրոյի փողոց 21 ա շենքի 1-ին հարկում գտնվող 126.9 քմ մակերեսով շինության օտարումը (Նախկին 199 մետր-մանկապարտեզ), իսկ որպես հետեւանք՝ վերոնշյալ տարածքի նկատմամբ Ա.Զ-ի սեփականության իրավունքի գրանցումը:



3. Երեւան քաղաքի Քանաքեռ-Զեյթուն համայնքի Զ.Ներսիսյան փողոցի 1 շենքում գտնվող 121.2 քմ մակերեսով շինության օտարումը (Նախկին թիվ 132 մանկապարտեզ), իսկ որպես հետեւանք՝ վերոնշյալ տարածքի նկատմամբ Ա.Գ.-ի, Ն.Ս.-ի եւ Ա.Յ.-ի սեփականության իրավունքի գրանցումը:

4. Երեւան քաղաքի Քանաքեռ-Զեյթուն համայնքի Զ.Ներսիսյան փողոցի թիվ 1 շենքում գտնվող 83.9 քմ մակերեսով շինության օտարումը (Նախկին թիվ 132 մանկապարտեզ), իսկ որպես հետեւանք՝ վերոնշյալ տարածքի նկատմամբ Է.Վ.-ի սեփականության իրավունքի գրանցումը:

5. Երեւան քաղաքի Քանաքեռ-Զեյթուն համայնքի Զ. Քանաքեռցու փողոցի թիվ 32 հասցեում գտնվող 2575,5 քմ մակերեսով շինության օտարումը (Նախկին 159 մանկապարտեզ), իսկ որպես հետեւանք՝

վերոնշյալ տարածքի նկատմամբ Ս.Ս.-ի եւ Ա.Ե.-ի սեփականության իրավունքի գրանցումը:

Վարչական շրջանների դատախազությունը հայցեր է ներկայացրել նաեւ քրեական երկու վարույթի նյութերով:

Մասնավորապես՝ Դատախազությունը Վարչական դատարանում վիճարկում է.

1. Երեւան քաղաքի Դավիթ Անհաղթ փողոց 8 հասցեում գտնվող, 23153,65 քմ մակերեսով տարածքը «Երեւանի տեխնոլոգիական սարքավորումների գործարան» ԲԲ ընկերության սեփականության իրավունքի պետական գրանցումն անվավեր ճանաչելու վերաբերյալ որոշումը:

2. Երեւան քաղաքի Զ. Քանաքեռցու փողոցի 50 հասցեում գտնվող 2370 քմ մակերեսով տարածքը «Խաչաբաբ կոնսերվատորիա» ՍՊԸ-ին օտարելու վերաբերյալ որոշումը:

ՕՐՎԱ ԽՃԱՆԿԱՐ

ԱՄՆ-Ն՝ ԲԱՆԱԿՑՈՒԹՅՈՒՆՆԵՐԻ ՄՊԱՏՈՒՄՈՎ

ԱՄՆ-ն ուրախ է, որ Հայաստանի եւ Ադրբեջանի միջեւ բանակցությունները շարունակվում են, եւ սպասում է Վաշինգտոնում կողմերին դարձյալ հյուրընկալելուն: Այս մասին հայտնել է ԱՄՆ պետքարտուղարության խոսնակի առաջին տեղակալ Վեդանտ Պատելը՝ անդրադարձնալով այս ամիս Վաշինգտոնում նախատեսված բանակցություններին:

«Մենք անհամբերությամբ սպասում ենք բանակցությունների հերթական փուլը հյուրընկալելուն, քանի որ կողմերը շարունակում են հետամուտ լինել Հարավային Կովկասի տարածաշրջանում խաղաղ ապագայի: Ինչպես նախկինում ասել եմ, ուղիղ երկխոսությունն առանցքային է խնդիրների լուծման եւ տեսական ու արժանապատիվ խաղաղության հասնելու համար: ԱՄՆ-ն գոհ է, որ Հայաստանի եւ Ադրբեջանի միջեւ բանակցություններն ընթանում են տարբեր հարթակներում, այդ թվում՝ նաեւ՝ ղեկավարների վերջին հանդիպումը»,- ասել է Պատելը:

Հայաստանի եւ Ադրբեջանի արտաքին գործերի նախարարներ Արարատ Միրզոյանն ու Ջեյհուն Բայրամովը բանակցությունների հերթական փուլի շրջանակներում կհանդիպեն Վաշինգտոնում: Քննարկումների կմենկարկեն հունիսի 12-ին:

րում կհանդիպեն Վաշինգտոնում: Քննարկումների կմենկարկեն հունիսի 12-ին:

ՆԵՌԱԽՈՍԱԶՐՈՒՅՑ՝ ԱԳՆ-Ի ՆԵՏ

Հունիսի 6-ին ՀՀ ԱԳ նախարար Արարատ Միրզոյանը հեռախոսազրույց է ունեցել Ավստրիայի եվրոպական եւ արտաքին գործերի դաշնային նախարար Ալեքսանդր Շալենբերգի հետ, որի ժամանակ զրուցակիցներն անդրադարձ են կատարել երկկողմ համագործակցության օրակարգին, ինչպես նաեւ բազմակողմ հարթակներում փոխշահավետ փոխգործակցության հարցերին:

ԱԳՆ-ից հայտնում են, որ նրանք մտքեր են փոխանակել նաեւ ՀՀ-ԵՄ գործընկերությանն առնչվող հարցերի շուրջ:

Յեռախոսազրույցի ընթացքում քննարկվել են տարածաշրջանային կայունությանն ու անվտանգությանն առնչվող հարցեր:

ՀՀ ԱԳ նախարարն ավստրիացի գործընկերոջն է ներկայացրել Հայաստանի եւ Ադրբեջանի միջեւ հարաբերությունների կարգավորման գործընթացի վերջին զարգացումները: Նախարար Միրզոյանը շեշտել է բանակցություններում առանցքային հարցերի, մասնավորապես՝ տա-

րածքային ամբողջականության փոխադարձ ճանաչման հստակ արտահայտված հանձնառության հիման վրա սահմանազատման, Լեռնային Ղարաբաղի ժողովրդի իրավունքների ու անվտանգության հարցերի հասցեագրման վերաբերյալ հայկական կողմի դիրքորոշումը:

Ընդգծվել է առկա, այդ թվում՝ մարդասիրական խնդիրների, Լաչինի միջանցքի արգելափակման խնդրի հասցեագրման եւ ԼՂ հիմնախնդրի համապարփակ կարգավորման անհրաժեշտությունը:

ԳՈՐԾՈՒՆԵՌՈՒԹՅՈՒՆԸ ԿԱՄԵՑՎԵՑ

ՀՀ սննդամթերքի անվտանգության տեսչական մարմնի ղեկավարի որոշմամբ՝ վերացվել է Արտաշատի թիվ 4 մետր-մանկապարտեզի խոհանոցի գործունեության կասեցումը (ՀՀ Արարատի մարզ, ք. Արտաշատ):

ՍՍՏՄ Արարատի մարզային կենտրոնի տեսուչների կրկնակի ստուգման ընթացքում մանկապարտեզում առկա սննդամթերքի նմուշներն ուղարկվել են լաբորատոր փորձաքննության, անհամապատասխանություններ չեն հայտնաբերվել: Չեն հայտնաբերվել նաեւ սանիտարահիգիենիկ նորմերի խախտումներ:

ՆԱԽԱՔՆՆՈՒԹՅՈՒՆ

ԹՇՆԱՄԱԿԱՆ ՂԱՐԱԲԵՐՈՒԹՅՈՒՆՆԵՐ

2023թ. հունիսի 3-ին՝ ժամը 23:35-ին, Մարտունու բժշկական կենտրոնից ահազանգ է ստացվել այն մասին, որ հրազենային վիրավորումով իրենց մոտ բուժօգնության է սեղափոխվել 1979թ. ծնված մի ֆաղաֆաղի:



2023թ. հունիսի 4-ին ՀՀ Գեղարքունիքի մարզի Մարտունու համայնքի Գեղի-Վիտ բնակավայրի բնակիչ Ա.Պ.-ն Ոստիկանության Մարտունու բաժնում հաղորդում է տվել այն մասին, որ նախօրեին իր կողմից պատրաստված ինքնաշեն գեղքով սպանելու նպատակով կրակել է համագյուղացի Կ.Պ.-ի ուղղությամբ, դեպքի վայրում թողել ինքնաշեն գեղքը եւ հեռացել:

ՀՀ քննչական կոմիտեի Գեղարքունիքի մարզային քննչական վարչության Մարտունու քննչական բաժնում, ՀՀ քրեական օրենսգրքի 44-155-րդ հոդվածի 1-ին մասի, ինչպես նաեւ ՀՀ քրեական օրենսգրքի 335-րդ հոդվածի 1-ին եւ 336-րդ հոդվածի 1-ին մասի հատկանիշներով, նախաձեռնվել է երկու քրեական վարույթ, որոնք միացվել են:

Ա.Պ.-ն ներկայացվել է քննչական մարմինն եւ հանցանք կատարած լինելու անմիջականորեն ծագած հիմնավոր կասկածի հիմքով ձերբակալվել:

Հրազենային վնասվածք ստացած անձը ճանաչվել է տուժող, գննվել է դեպքի վայրը, որտեղից հայտնաբերվել ու վերցվել է ինքնաշեն եղանակով պատրաստված հրազենի նմանվող գեղքը, նշանակվել են փորձաքննություններ:

Քննությամբ ստացված փաստական տվյալների համաձայն՝ ազգականներ համարվող Ա.Պ.-ն եւ Կ.Պ.-ն տեւական ժամանակ անձնական հարցերի պատճառով ունեցել են թշնամական հարաբերություններ: Կ.Պ.-ին սպանելու նպատակով Ա.Պ.-ն իր տանը պատրաստել է ինքնաշեն՝ 12 մմ տրամաչափի որսորդական փամփուշտ կրակելուն հարմարեցված, մահակի մեջ քողարկված ատիպիկ հրազեն:

2023թ. հունիսի 3-ին՝ ժամը 22:30-ի սահմաններում, վերցնելով ինքնաշեն հրազենը՝ ուղեորվել է նրանց տուն: Գյուղամիջյան ճանապարհին գտնվող խանութի մոտ տեսելով Կ.Պ.-ի ավտոմեքենան եւ հասկանալով, որ վերջինս

խանութում է՝ ներս է մտել, Կ.Պ.-ին կանչել խանութի կողային հատվածում գտնվող սեյակ, ապա ինքնաշեն այդ հրազենով Կ.Պ.-ին ապօրինաբար կյանքից զրկելու դիտավորությամբ մեկ անգամ կրակել է վերջինիս ծախ ուսային հատվածին: Կարծելով, թե Կ.Պ.-ն մահացել է, նա հրազենը թողել է դեպքի վայրում եւ հեռացել: Կ.Պ.-ն, հրազենային վիրավորումով, սուր արյունահոսությամբ տեղափոխվել է Մարտունու բժշկական կենտրոն, որտեղ հաջողվել է փրկել նրա կյանքը:

Քննությամբ ձեռք բերված փաստերի հիման վրա՝ Ա.Պ.-ի նկատմամբ հարուցվել է հանրային քրեական հետապնդում, եւ նրան մեղադրանք է ներկայացվել՝ ՀՀ քրեական օրենսգրքի 336-րդ հոդվածի 1-ին մասով, 335-րդ հոդվածի 1-ին մասով եւ 44-155-րդ հոդվածի 1-ին մասով նախատեսված հանցավոր արարքներ կատարելու համար:

Միջնորդություն է ներկայացվել դատարան՝ նրա նկատմամբ կալանքը որպես խափանման միջոց ընտրելու վերաբերյալ:

Նախաքննությունը շարունակվում է: Ծանուցում. հանցանքի համար մեղադրվող համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԼՈՒՐԵՐ

ԽՈՒՎԻԳԱՆՈՒԹՅՈՒՆ՝ ՊՈՒՐԱԿՈՒՄ



ՆԳՆ ոստիկանության ՊԾ Երեւանի գնդի 3-րդ գումարտակի ծառայողները հունիսի 5-ին՝ ժամը 19.50-ին, Մարտիրոս Սարյանի պուրակում հայտնաբերել, խուլիգանություն կատարելու հիմնավոր կասկածանքով ձերբակալել եւ Կենտրոնական բաժին են տեղափոխել երեք տղամարդու, նաեւ բաժին են հարավիրել մեկ տղամարդու:

Այս մասին հայտնում են ոստիկանությունից:

Նրանք նշված պուրակում, խախտելով հասարակական կարգը, քաջքել են իրար եւ հնչեցրել հայիոյանքներ: Անձնական խուզարկությամբ տղամարդկանցից մեկի մոտ հայտնաբերվել է 8,8 սմ շեղքի երկարությամբ ծալվի դանակ:

Կազմված փաստաթղթերն ուղարկվել են նախաքննական մարմին:

Ծանուցում. ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԳՈՂՈՒԹՅՈՒՆ՝ ՏԱՆՏԻՐՈՋԻՑ

Ոստիկանության Կոտայքի բաժնի համայնքային ոստիկանները տեղեկություն էին ստացել, որ Աբովյան քաղաքի հանրակացարաններից մեկի 23-ամյա բնակիչը ապօրինաբար մուտք է գործել հարեւանի բնակարան եւ գողացել տանտիրուհու բանկային քարտը:

Ոստիկանությունից հայտնում են, որ ստացված տեղեկության համաձայն՝ երիտասարդը Աբովյանի Հատիսի փողոցի բանկոմատից կանխիկացրել էր 50 000 դրամ, ապա վերադարձել հանրակացարան եւ հարեւանուհու բնակարանում թողնելով քարտը՝ աննկատ հեռացել էր:

Աբովյանի քննչական բաժնում նախաձեռնվեց քրեական վարույթ:

Հունիսի 2-ին երիտասարդը ձերբակալվեց եւ տեղափոխվեց Կոտայքի բաժին, որտեղ չժխտեց արարքը:

Երիտասարդն ու կազմված փաստաթղթերը ներկայացվել են Աբովյանի քննչական բաժին: Ձեռնարկվում են միջոցառումներ՝ գողոնը հայտնաբերելու ուղղությամբ:

ԼՈՒՐԵՐ

ԳՈՐԾԸ ԳԱՏԱՐԱՆՈՒՄ Է

Ժողովուրդ օրաթերթին հայտնի դարձավ, որ Արտավազը Մարգարյանին մեղադրանք է առաջադրվել:

Նա, հանդիսանալով Արտաշատ համայնքի ավագանու Հայ Հեղափոխական Ռաշնակցության ղեկավարը եւ նպատակ ունենալով 2022 թվականի հունիս ամսին Հայաստանի Հանրապետությունում Հայ Հեղափոխական Ռաշնակցության կազմակերպված հավաքներին նյութապես շահագրգռելու եղանակով մասնակից դարձնել մի շարք քաղաքացիների, Գառնիկ Մանուկյանի հետ գումարներ են տրամադրել տարբեր անձանց, ինչի արդյունքում խախտվել է քաղաքացիների խաղաղ, առանց զենքի հավաքներին ազատ

կամահայտնությամբ մասնակցելու սահմանադրական իրավունքը:

Այս քրեական գործը մտավ դատարան:

ՊԱՇՏՈՆԱՆԿ ԳԱՏԱԽԱՋՆԵՐԸ

Hayastan.news-ը տեղեկություն էր տարածել, թե Աննա Վարդապետյանը երեկ Կոտայքի մարզի դատախազ, Ռոբերտ Քոչարյանի գործով մեղադրող Պետրոս Պետրոսյանին անսպասելի ազատել է Կոտայքի մարզի դատախազի պաշտոնից եւ նշանակել գլխավոր դատախազության վարչություններից մեկի պետի տեղակալ: Դրանից հետո արդեն երեկ դատախազ Պետրոս Պետրոսյանը աշխատանքից ազատվելու դիմում է ներկայացրել: Աշխատանքից ազատման դիմում է ներկայացրել նաեւ Աննա Վարդապետյանի տեղակալ Գեորգ Բաղդասարյանը: «Ժողովուրդ» օրաթերթի տեղեկություններով՝ Գեորգ Բաղդասարյանի՝ աշխատանքից ազատման դիմում ներկայացրելը սպասելի էր, քանի որ Աննա Վարդապետյանի՝ դատախազի պաշտոնը ստանձնելուց հետո նա այն քիչ մարդկանցից էր, որ մնաց իր պաշտոնին: «Ժողովուրդ» օրաթերթը գրել էր, որ միակ տեղակալը, որը դատախազությունը չի լքի, Գեորգ Բաղդասարյանն է: Բանն այն է, որ նա թեեւ դատախազ Դավթյանի ընկերն է, բայց նաեւ «Մարտի 1-ի» գործով մեղադրող դատախազներից մեկն է եւ ծառայություն է մատուցել քաղաքական իշխանությանը: Պետրոս Պետրոսյանը եւս նախկին դատախազի ընկերներից է: Ստացվում է՝ Արթուր Դավթյանի կադրերից ազատման գործընթացը դեռ չի ավարտվել:

ՔՆՍՐ ՄԱՆՈՒԿՅԱՆ

● Ըստ ոստիկանության տվյալների՝ հունիսի 5-ից 6-ը Հայաստանի Հանրապետությունում բացահայտվել է հանցագործության 70 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՆՈՐ ԴԱՏԱԿԱՆ ԳՈՐԾ

Իջեան խոշորացված համայնքի Ազատամուտ գյուղում գործող բենտոնիտի կոմբինատը խորհրդային տարիներին կարողանալու է արտադրել արտադրանքներ և արտահանել դրանք արտաքին շուկա:

Արդյունաբերության նախարարի հանձնարարությամբ Սարգսյանի բենտոնիտային կավերի հանքի շարունակությունը: Արդյունաբերության նախարարի շրջանում արդիական սարքավորումներով հագեցած բենտոնիտի վերամշակման գործարան են կառուցել, եւ դրա արտադրանքը Ղազախից երկաթուղով տեղափոխում են Ռուսաստան:

Արտես Միքայելի Զարույթային կենտրոնը 2022թ. հունվարի 31-ին Տավուշի մարզի առաջին ատյանի դատարան հայցարդիմում է ներկայացրել «Իջեանի բենտոնիտ կոմբինատ» ԲԲԸ ժողովի որոշումներն անվավեր ճանաչելու եւ անվավերության հետեւանքներ կիրառելու մասին պահանջներով: Տավուշի մարզի առաջին ատյանի ընդհանուր իրավասության դատարանի դատավոր Աշոտ Զավախյանի 2022թ. փետրվարի 11-ի որոշմամբ հայցարդիմումն ընդունվել է վարույթ: Այդ դատավորի նույն օրվա մեկ այլ որոշմամբ հայցի ապահովման միջոց կիրառելու վերաբերյալ միջնորդությունը մերժվել է: Դատավոր Ա. Զավախյանը 2022թ. դեկտեմբերի 8-ին ապացուցման պարտականությունը բաշխելու մասին որոշում է կայացրել: ԶԶ բարձրագույն դատական խորհրդի 2022թ. նոյեմբերի 15-ի որոշմամբ Տավուշի մարզի առաջին ատյանի ընդհանուր իրավասության դատարան գործողված Երեւան քաղաքի առաջին ատյանի ընդհանուր իրավասության դատարանի դատավոր Աշոտ Զավախյանը, ԶԶ նախագահի՝ 2023թ. փետրվարի 17-ի հրամանագրի համաձայն, նշանակվել է Մանսկոյան դատարանի դատավոր, որի հիմքով սույն քաղաքացական գործը 2023թ. փետրվարի 22-ին մակագրվել է Տավուշի մարզի առաջին ատյանի դատարանի դատավոր Նանա Դալլաքյանին:

Ն. Դալլաքյանը որոշում է կայացրել նշված քաղաքացական գործն ընդունել վարույթ, գործի քննությունը սկսել սկզբից եւ 2023թ. ապրիլի 5-ին Տավուշի մարզի առաջին ատյանի դատարանի Դիլիջանի Ստավայրում հրավիրել նախնական դատական նիստ: Սույն գործով հաջորդ նախնական դատական նիստը նշանակված է հունիսի 8-ին:

ՈՍԿԱՆ ՍՈՐԳՅԱՆ Տավուշ

ԲՅՈՒՋԵ

ԿԱՌԱՎԱՐՈՒԹՅՈՒՆԸ ԹԵՐԱԿԱՏԱՐԵԼ Է

«ԼՈՒՅՍ» հիմնադրամը վերլուծել է 2023թ. առաջին եռամսյակում ՀՀ տեսակաճ բյուջեի կատարման հազվեփայլությունը:

«Հաշվետվության վերլուծությունը ցույց է տվել, որ 2023թ. առաջին եռամսյակում, ծրագրվածի համեմատ, արձանագրվել է բյուջեի ծախսերի էական թերակատարում՝ 23.5%-ով կամ 130.1 մլրդ դրամով, ընդ որում՝ թերակատարվել են ինչպես ընթացիկ, այնպես էլ կապիտալ ծախսերը համապատասխանաբար 13.4 եւ 69.2 տոկոսով: Առաջին եռամսյակի ճշտված ծրագրի նկատմամբ պետական բյուջեի ծախսերի թերակատարման ընդհանուր գումարի 46.8%-ը բաժին է ընկել ընթացիկ ծախսերին, 53.2%-ը՝ ոչ ֆինանսական ակտիվների հետ գործառնություններին: Այս համատեքստում հարկ է նշել, որ կապիտալ ծախսերը 2023թ. առաջին եռամսյակում, 2022-ի նույն ժամանակահատվածի համեմատ, նվազել են 18.2%-ով եւ կազմել 30.4 մլրդ դրամ: Կապիտալ ծախսերի կատարողականը կազմել է ընդամենը 30.8%: Կատարողականի նման ցածր ցուցանիշը ցույց է տալիս, որ կապիտալ ծրագրերի կառավարումն ու իրականացումը կառավարության համար շարունակվում է մնալ չլուծված լուրջ հիմնախնդիր:

Կապիտալ ծախսերի՝ ծրագրից նման մեծ շեղումը եւ նախորդ տարվա նույն ժամանակահատվածի համեմատ նվազումը հիմնականում պայմանավորված է ՀՀ պաշտպանության նախարարության շենքային պայմանների բարելավման միջոցառման ծախսերի թերակատարմամբ: Դրանք 2023թ. առաջին եռամսյակում կազմել են 19.5 մլրդ դրամ եւ 67.9%-ով զիջել են ծրագրային ցուցանիշին: Ավելին՝ դրանք 28.9%-ով փոքր են նույնիսկ նախորդ տարվա նույն ժամանակահատվածի ցուցանիշից:

Բացի այդ, 2023թ. առաջին եռամսյակում կառավարությունը թերակատարել է նաեւ 2023թ. պետական բյուջեով նշված ժամանակահատվածի համար նախատեսված ծրագրերի իրականացումը: Նախատեսված 164 ծրագրերից առաջին եռամսյակում փաստացի միջոցներ են օգտագործվել թվով 154 ծրագրերի գծով, իսկ ծախսերի կատարողականի ընդհանուր շեղումը կազմել է շուրջ 130 մլրդ դրամ: Ընդ որում, ծրագրային դասակարգմամբ բյուջետային ծախսերի կատարողականի ուսումնասիրությունը ցույց է տալիս է, որ, այս առումով եւս «առաջամարտիկը» պաշտպանական համա-



կարգն է. պլանից ամենից ավելի էական շեղում 46.8%-ով կամ 52.6 մլրդ դրամով, արձանագրվել է ՀՀ պաշտպանության նախարարության պատասխանատվության տակ գտնվող ծրագրերի գծով (2023թ. առաջին եռամսյակի ճշտված պլանով նախատեսված 112.3 մլրդ դրամի ծախսերի փոխարեն): Բացի այն, որ արձանագրվել է ՊՆ պատասխանատվության տակ գտնվող ծրագրերի իրականացման խիստ ցածր կատարողական, փաստացի ծախսերը նույնիսկ 12.8%-ով պակաս են նախորդ տարվա նույն ժամանակահատվածի ցուցանիշից: Ի դեպ, 2023 թվականի պետական բյուջեն ներկայացնելիս կառավարությունը բազմիցս շեշտում էր պաշտպանական ծախսերի՝ բյուջեով նախատեսվող աննախադեպ աճը:

Փաստորեն, չնայած ծրագրերի գծով բյուջեով նախատեսվել է հատկացվել է գումար, այնուամենայնիվ, դրանք ամբողջությամբ կամ մասնակիորեն չեն իրականացվում, ինչն առաջին հերթին պատկան մարմինների ոչ բավարար արդյունավետ աշխատանքի վկայությունն է: Մասնավորապես, վերջին տարիներին սովորական է դարձել կապիտալ ծախսերի թերակա-

տարումը, ինչը վկայում է ՀՀ կառավարության կողմից պլանավորված ծախսերն ամբողջությամբ եւ սահմանված ժամկետում կատարելու անընդունակության մասին: Այս փաստն առավել մտահոգիչ է հատկապես ՀՀ պաշտպանության նախարարության պատասխանատվության տակ գտնվող ծրագրերի թերակատարման համատեքստում: Մինչդեռ, ներքին պահանջարկի ներկայիս կտրուկ աճի եւ անվտանգային խնդիրների պայմաններում կառավարությունից ակնկալվում է այնպիսի միջոցառումների իրականացում, որոնք միտված են առաջարկի ավելացմանը, իսկ դա, միանշանակ, ենթադրում է մեծածավալ նպատակային կապիտալ ծախսերի կատարում: Ընդ որում, 2023թ. առաջին եռամսյակում կապիտալ ծախսերի նման թերակատարումը վտանգավոր ազդակ է. մասնավորապես, արձանագրված փաստը հիմք է տալիս ենթադրելու, որ դրանք, ամենայն հավանականությամբ, կթերակատարվեն նաեւ տարեկան կտրվածքով: Մինչդեռ, 2023թ. բյուջեի նախագիծը ներկայացնելիս կառավարությունը՝ որպես դրա կարեւոր արժանիք, նշում էր աննախադեպ ծավալի կապիտալ ծախսերի պլանավորումը»:

ՀԱՅԱՍՏԱՆ

ՕՉԵՐՆ ԱԿՏԻՎԱՑԵԼ ԵՆ

Հունիսի 4-5-ը ՆԳՆ ՓԾ ճգնաժամային կառավարման ազգային կենտրոնում 20 ահազանգ է ստացվել հանրապետության տարբեր տարածքներում նկատված օձերի վերաբերյալ, մասնավորապես՝ Երեւան, Սիսիան, Կապան, Աշտարակ քաղաքներում, Սիս, Չորաղբյուր, Քասախ, Կարբի, Ազատան գյուղերում:

Դեպքի վայր ժամանած փրկարարներն իրականացրել են տեղազննում, որի արդյունքում հայտնաբերել են 3 գյուրգա, 2

շահմար, 5 սահնօծ, 3 լորտու տեսակի տղուն եւ տեղափոխել անվտանգ տարածք:

ՆՈՐ ՄԻՋՈՒԿԱՅԻՆ ԷՆԵՐԳԱԲԼՈՎ

ՀՀ վարչապետ Նիկոլ Փաշինյանի որոշմամբ՝ ՀՀ-ում նոր միջուկային էներգաբլոկ կառուցելու վերաբերյալ հարցերը քննարկելու համար կստեղծվի միջգերատեսչական աշխատանքային խումբ:

«Աշխատանքային խումբը ստեղծվում է նաեւ փոքր մոդուլյար ռեակտորներ տեղակայելու նպատակահարմարության, ինչպես նաեւ անհրաժեշտ տեխնոլոգիաների ընտրության նպատակով վերլուծություններ իրականացնելու եւ հետագա քայլերի հաջորդականությունը սահմանելու վերաբերյալ հարցերի քննարկման նպատակով: Այս որոշմամբ հաստատվում է նաեւ խմբի կազմը»,- ասված է որոշման մեջ:

Միջգերատեսչական աշխատանքային խմբի ղեկավարը 2-ամսյա ժամկետում ՀՀ վարչապետի աշխատակազմ պետք է տեղեկատվություն ներկայացնի կատարված աշխատանքների մասին:

● Անցած 1 օրվա ընթացքում Հայաստանի Հանրապետությունում արձանագրվել է 6 ճՏՊ. 10 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԵՐԱԺՇՏԱՐՎԵՍ

ԽՆԿԱՐԿՈՒՄ ՀԻՇԱՏԱԿԻՆ



Մեծանուն կոմպոզիտոր Արամ Խաչատրյանի ծննդյան 120-ամյակի կապակցությամբ Կոմիտասի անվան պանթեոնում 33 ԿԳՄՍ նախարար ժաննա Անդրեասյանը եւ նախարարի տեղակալ Արա Խզմալյանը մասնակցել են Արամ Խաչատրյանի հիշատակի ինկարկման արարողությանը եւ ծաղիկներ խոնարհել նրա շիրիմին:

Միջոցառմանը մասնակցել են նաեւ Արամ Խաչատրյանի տուն-թանգարանի տնօրեն Արմինե Գրիգորյանը, Հայաստանի կոմպոզիտորների միության նախագահ Արամ Սաթյանը, Հայաստանի պետական սիմֆոնիկ նվագախմբի տնօրեն Սարգիս Բալբաբյանը, Երեւանի Կոմիտասի անվան պետական կոնսերվատորիայի ռեկտոր Սոնա Հովհաննիսյանը, երաժշտարվեստի ներկայացուցիչներ, խաչատրյանական արվեստի երկրպագուներ, դպրոցականներ:

«Արամ Խաչատրյանի արվեստը միշտ այժմեական է՝ անկախ փոփոխվող մարտահրավերներից ու խնդիրներից: Հոբեյանական տարին եւս մեկ առիթ է վերահիմնադրելու եւ նորովի գնահատելու Արամ Խաչատրյանի թողած հսկայական ժառանգությունը, որտեղ մշտապես անելիք ունենք՝ նաեւ նոր շերտեր բացահայտելու առումով»,- ասել է ԿԳՄՍ նախարար Ժաննա Անդրեասյանը:

Նրա խոսքով՝ 33 վարչապետի որոշմամբ՝ ձեւավորվել է Արամ Խաչատրյանի ծննդյան 120-ամյակի հոբեյանական հանձնաժողով, հաստատվել է պետական ծրագիր, որի իրականացման համար բյուջեից հատկացվել է ավելի քան 530 միլիոն դրամ: Միջոցառումները բազմաժանր են եւ ընդգրկում են լայն աշխարհագրություն՝ Կրասնոյարսկի միջին ԱՄՆ, Կասադա, Հունաստան, Ֆրանսիա, Գերմանիա: Ժաննա Անդրեասյանը նշել է, որ այսօր կմեկնարկի Արամ Խաչատրյանի անվան միջազգային մրցույթը՝ բացման համերգով:

«Արամ Խաչատրյանի երաժշտությունը կյանքի բոլոր փուլերի համար է եւ տալիս է մտորելու ու հասկանալու հնարավորություն: Կարելի էր եւ այն հանգամանքը, որ մեր երեխաները են ներգրավվել հոբեյանական ծրագրերում՝ նորովի ճանաչելու եւ բացահայտելու Խաչատրյանին»,- եզրափակել է նախարար Ժաննա Անդրեասյանը:

Նախարարի տեղակալ Արա Խզմալյանի խոսքով՝ Արամ Խաչատրյանի հանճարեղ երաժշտարվեստը մեզ իրավունք է տալիս աշխարհի հանճարեղ ժողովուրդների շարքում զգալ որպես լիարժեք անդամ:

ԶԱՐԳԱՑՈՒՄ

ԻՆՏԵՐՆԵՏ ՀԱՄԱՆԵԼԻՈՒԹՅԱՆ ԲԱՐՁՐ ԴԻՐՔԵՐ

Հայաստանում բնակավայրերի 66 տկոսն ադահովված է լայնաճեղս ինտերնետով, ՀՀ բնակչության 96 տկոսը հնարավորություն ունի օգտվելու ինտերնետից:

Այս մասին նշեց ՀՀ ԲՏԱ նախարարի տեղակալ Ավետ Պողոսյանը հեռավոր համայնքներում ինտերնետ հասանելիություն ապահովելու հնարավորությունների ստեղծման համար լուծումներ գտնելու նպատակով կազմակերպված՝ «Ապահովելով հասանելիություն բոլորին՝ Եվրոպա եւ տարածաշրջան» խորագրով գագաթնաժողովին:

«Կառավարությունն իր ուշադրության կենտրոնում է պահում բնակավայրերը լայնաշերտ ինտերնետով ապահովելու ծրագիրը, եւ 2021-2026 թվականների ծրագրում առկա է կետ՝ բնակավայրերի մինչեւ 80 տկոսը մինչեւ 2026 թվականը լայնաշերտ ինտերնետով ապահովելու վերաբերյալ: Այս միջոցառման նպատակը այդ հարցի շուրջ մասնագետներին համախմբելն ու լուծումներ գտնելն է»,- ասաց փոխնախարարը:

Նրա համոզմամբ՝ մինչեւ 2026 թվականը Հայաստանի բնակավայրերի 80 տկոսը ապահովված կլինի լայնաշերտ ինտերնետով:

«Այս պահին բնակավայրերի 66 տկոսն արդեն իսկ ապահովված է լայնաշերտ ինտերնետով, միեւնույն ժամանակ ուզում եմ նշել, որ բնակչության 96 տկոսը հնարավորություն ունի օգտվելու լայնաշերտ ինտերնետից: Մենք խոսում ենք շատ հեռավոր, փոքր բնակչություն ունեցող բնակավայրերի մասին, որտեղ ներդրումներ անելը տնտեսական տեսանկյունից նպատակահարմար չէ: Այս դեպքում լուծումը տեսնում եմ սուբսիդավորման կամ օպերատորներին այդ բնակավայրերում ինտերնետ հասանելիություն ապահովել շահագրգռելու մեջ: Մենք այս պահին ունենք գործընկերակազմ կառավարությունը պատրաստ է սուբսիդավորել այն համայնքներին, որոնք նման հայտ ներկայացնեն: Այս պահի դրությամբ համայնքներից որտեղ մեկը հայտ չի ներկայացրել, ինչը նշանակում է, որ ինտերնետ հասանելիությունը բավական լավ վիճակում է գտնվում»,- նշեց Պողոսյանը:



Նրա համոզմամբ՝ այս պահին ինտերնետ հասանելիության առումով Հայաստանը առաջատար դիրքեր է զբաղեցնում: Նման կարծիք հայտնեց նաեւ Ազգային ժողովի նախագահի տեղակալ Հակոբ Արշակյանը՝ նշելով, որ Հայաստանը ինտերնետ հասանելիության տեսանկյունից բավականին լավ դիրքերում է:

«Պետք է արձանագրել, որ ինտերնետի հասանելիությունը մարդկությանը տվել է նոր տեխնոլոգիաների միջով այլընտրանքային կրթություն ստանալու հնարավորություն: Ինտերնետ հասանելիությունը տարբեր համայնքներում, սահմանամերձ գյուղերում հնարավորություն կստեղծի օգտվել կրթական տարբեր ռեսուրսներից՝ վերապատրաստվել, զարգանալ, լեզուներ սովորել: Այն նաեւ լայն հնարավորություններ է ստեղծել տրանսպորտային եւ լոգիստիկ համակարգի համար»,- նշեց Արշակյանը:

Եզրափակելով Արշակյանն ընդգծեց, որ Հայաստանը, հաշվի առնելով բոլոր հանգամանքները, չափազանց կարելի է ինտերնետի հասանելիությունը համայնքներին:

Հայաստանի օպերատորների միության տնօրեն Քրիստինե Գյունջյանն ասաց՝ ինտերնետ կապն այսօր առաջնահերթությունների շարքում է եւ ստեղծում է հավասար հնարավորություններ հա-

մայնքների համաչափ զարգացման համար:

«Չնայած տեխնոլոգիաների գերարագ զարգացմանը՝ այսօր ամբողջ աշխարհում բնակվող 8 միլիարդ մարդուց 2.7 միլիարդը դեռ ինտերնետ հասանելիություն չունի՝ կախված աշխարհագրական դիրքից, ենթակառուցվածքների պակասից եւ բնակչության սակավությունից: Իսկ հասանելիություն ապահովելու համար պահանջվում է նոր, ոչ ավանդական մոտեցումներ: Այս խնդրին լուծում տալու համար կազմակերպությունները ողջ աշխարհից կազմում են դաշինքներ՝ ռեսուրսները համախմբելու, ներդրումները կառավարելու, թվային բացը լրացնելու եւ թվային վերափոխմանը նպաստելու համար: Հայաստանի օպերատորների միությունը եւս իր նպատակների իրագործման ընթացքում կոչված է նպաստելու ինտերնետի ու հեռահաղորդակցության ոլորտների զարգացմանը, օրենսդրական դաշտի բարելավմանը, թվային գրագիտության բարձրացմանը՝ ուղղված խնդիրների լուծմանը»,- ասաց Գյունջյանը:

Նա նշեց՝ իրենց բազմակողմանի գործունեության հիմքում երկրի հավասարաչափ զարգացումն է, ՀՀ ողջ տարածքում որակյալ կապի հասանելիության ապահովմանը նպաստելու եւ համացանցի անվտանգ կիրառությունը:

ԿՐԹՈՒԹՅՈՒՆ

ՄԵԿՆԱՐԿՈՒՄ ԵՆ ՔՆՆՈՒԹՅՈՒՆՆԵՐԸ

Հանրադասությունում հունիսի 9-ին մեկնարկում են միասնական ֆինոբյուրոները: Այս մասին հայտնում է Գնահատման եւ քննադրման կենտրոնի փոխնախարարը:

Նրա խոսքով՝ քննություններին այս փուլում մասնակցելու է 13 հազար 456 դիմորդ:

«Միասնական քննությունների առաջին օրը դիմորդները քննություն են հանձնելու «Քիմիա» եւ «Ռուսաց լեզու» առարկաներից: Այս փուլում քննություններն ավարտելու ենք հունիսի 27-ին «Հայոց պատմություն» եւ «Ֆիզիկա» առարկաներից: Դիմորդները տեղաբաշխվել են հանրապետության 40 միասնական քննական կենտրոններում՝ 14-ը

Երեւանում, 26-ը՝ մարզերում»,-ասաց Կարո Նասիբյանը:

Այս փուլում քննություններին մասնակցող դիմորդների թվում կան նաեւ այն անձինք, որոնք հնարավորություն են ունեցել քննություն հանձնել նախորդ փուլում՝ ընթացիկ տարվա հունվարին: Հունվարին քննություն հանձնածներից հունիսի համար չի հայտագրվել միայն 333-ը: Մնացած 4200-ը պատրաստվում է կրկին մասնակցել քննություններին:

«Կար կարծիք, որ եթե դիմորդին բավարարում էր հունվարի ստացած իր գնահատականը, ապա հունիսին չի մասնակցի: Ինչպես տեսնում ենք, մասնակիցների ճնշող մեծամասնությունը ցանկանում է երկրորդ անգամ քննություն հանձնել: Կա դիմորդ, որ հունվարին ստացել է 19,75 միավոր, միեւնույն է,

հայտագրվել է հունիսի քննության համար»,-ասաց Կարո Նասիբյանը:

Այս տարվա պահանջված մասնագիտությունների ցանկում առանձնապես փոփոխություն տեղի չի ունեցել: Հիմնականում պահանջված են տեղեկատվական տեխնոլոգիաներին, կառավարմանը, ֆինանսներին ու բուժական գործին առնչվող մասնագիտությունները:

Քննությունների կազմակերպչական աշխատանքներն ամբողջությամբ ավարտվել են: Կարո Նասիբյանը նշեց, որ վերահսկողական գործիքակազմը, ինչպես նախորդ տարիներին, գործի է դրվելու: Բոլոր նրանք, որոնց մոտ կհայտնաբերվի ցանկացած տիպի էլեկտրոնային սարք, դուրս կհրավիրվեն: Հնարավոր դիմորդները լինելու են վերահսկողների ուշադրության կենտրոնում:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԱՆՐԱՄԱՍՆԵՐ

ՎԱՐԿԱԾՆԵՐ՝ ԼՐԱԳՐՈՂԻ ՄԱՐՎԱՆԻՑ

Ինչդեռ գիտենք, հունիսի 1-ին առեղծվածային ու ողբերգական դեպք էր տեղի ունեցել Երևանում: Ժամը 12:00-ի սահմաններում ՀՀ ներքին գործերի նախարարության ոստիկանության Մալաթիայի բաժին ահազանգ էր ստացվել, որ Մվաճյան փողոցի շենքերից մեկի 1-ին հարկի սանիֆում կնոջ դի կա եւ վիրավոր երեխա: Քիչ անց հայցնի դարձավ, որ ողբերգական դեպքի զոհերը հաղորդավարուհի, բլոգեր Օվսաննա Սողոյանն է եւ նրա 11-ամսական փոքրիկը՝ Բաֆֆին:



ամսվա սկզբին էր վերադարձել Բալիից եւ կիսվել իր տպավորություններով:

L. Ե.

Ահասարուռ դեպքի առթիվ Օվսաննա Սողոյանի ընկերները, շուկի ենթարկված, սոցիալական ցանցերում գրառումներ են իրականացրել:

Հաղորդավարուհի Հրաչուհի Ութմազյանը, անդրադառնալով ցավալի լուրին, հրապարակում էր արել «Ինստագրամ»-ի «Սթորի» բաժնում եւ լուսանկար հրապարակել:

«Ժողովուրդ» օրաթերթը հաղորդավարուհի Հրաչուհի Ութմազյանից տեղեկացավ, որ Օվսաննայի հուղարկավորությունն արդեն տեղի է ունեցել, եւ նա կնոջ, որ չի կարող խոսել, քանի որ շատ ծանր է իր համար:

Իսկ մինչ իրավապահ համակարգը կբացահայտի, թե ինչ է իրականում տեղի ունեցել, մեզ հայտնի դարձավ, որ առեղծվածային դեպքի մասին Օվսաննայի շրջապատում տարբեր վարկածներ են պատվում: Ըստ շրջանառվող լուրերի՝ երեխայի ծնունդից հետո Օվսաննա Սողոյանը կրոնական կազմակերպությունների միջոցառումների է մասնակցել եւ ունեցել է առողջական որոշակի խնդիրներ:

Ի դեպ, ինչպես տեղեկանում ենք Օվսաննայի ֆեյսբուքյան էջից, նա մայիս

ԸՆԴՀԱՍՍԿ

ԱՐԶԱՔԱՆՑՅԱՆԸ ԳՆԵԼ Է «ԲԱՅ TV»-ԻՆ

«Ժողովուրդ» օրաթերթի Տեղեկությունների համաձայն՝ գործարար, նախկին դասգամավոր, «Ուժը հայրենյաց» կուսակցության նախագահ Տիգրան Արզախանյանը գնել է «Բայ TV»-ի յուրօրյան ալիքը:



փոթեքը. այս մասին հայտնում էր Daily Mail-ը:

ԼԻՂԱ ԵՂԻԱԶՈՒՅԱՆ

Նշենք, որ ավելի վաղ «Ժողովուրդ» օրաթերթը գրել էր, որ Տիգրան Արզախանյանն ու կինը՝ Նատալյա Ռոտենբերգը, արդեն տեսական ժամանակ է, ինչ ընդհատակ են անցել:

Նատալյա Ռոտենբերգը Երեւանի կենտրոնում Մաշտոցի պողոտայում, իր անունը կրող բրենդային խանութը փակել է, սակայն «Ժողովուրդ» օրաթերթի տեսախցիկը ֆիքսեց, որ «Մարիոթ» հյուրանոցում առկա խանութ-սրահի մասնաճյուղը բաց է իր հաճախորդների համար:

Հիշեցնենք, որ դեռեւս անցած տարի՝ հունիսին, Տիգրան Արզախանյանի կինը՝ Նատալյա Ռոտենբերգը, հայտարարեց, որ մտադիր է առաջադրվել Երեւանի ավագանու ընտրություններում «Ուժ հայրենյաց» կուսակցությունից:

Արդեն հունիսի 9-ին հայտնի դարձավ, որ Ռոտենբերգի՝ Ուեսթմինսթերում գտնվող, 8,73 մլն ֆունտ ստերլինգ արժեքով բնակարանը առգրավվել է այն բանից հետո, երբ նա չի վճարել հի-

ԼՈՒՐԵՐ

ԽԱՉԱՆՈՎԸ՝ ՏԱՄՆՅԱԿՈՒՄ

2020թ. Օլիմպիական խաղերի փոխչեմպիոն, աշխարհի 11-րդ ռակետ Կարեն Խաչանովը Ֆրանսիայի բաց առաջնության քառորդ եզրափակիչ դուրս գալու շնորհիվ կվերադառնա Պրոֆեսիոնալ թենիսիստների ասոցիացիայի դասակարգման լավագույն տասնյակ, որից դուրս էր մնացել 2019թ. նոյեմբերին:

Պատմության մեջ առաջին անգամ լավագույն տասնյակում կլինի երեք ռուսաստանցի: Դանիիլ Մեդվեդեւն ու Անդրեյ Ռուբլյովը կպահպանեն տեղը առաջատարների թվում:

«Ռուլան Գարոսի» քառորդ եզրափակչում Խաչանովը հունիսի 6-ին կմրցի աշխարհի երրորդ ռակետ, «Մեծ սաղավարտի» մրցաշարերի 22-ակի չեմպիոն, սերբ Նովակ Ջոկովիչի հետ:

ՄԽԻԹԱՐՅԱՆԸ՝ ՉԼ ԵԶՐԱՓԱԿՉՈՒՄ

Հայաստանի ֆուտբոլի ազգային թիմի նախկին ավագ եւ իտալական «Ինտեր»-ի կիսապաշտպան Հենրիխ Մխիթարյանը մեծ ցանկություն ունի մասնակցելու Չեմպիոնների լիգայի եզրափակչին:

«Ամեն ինչ անելու եմ այդ եզրափակչին մասնակցելու համար: Ցանկություն ունեմ հաղթելու այդ խաղում, քանի որ կարիերաս մոտենում է ավարտին, եւ կուզենայի հաղթել Չեմպիոնների լիգայում», - ասել է Մխիթարյանը:

Հայ կիսապաշտպանի խոսքով՝ Չեմպիոնների լիգայի եզրափակիչի մրցակից «Մանչեսթեր Սիթի»-ն եվրոպական ակումբների շարքում ունի լավագույն կազմերից մեկը:

«Կարող ենք ցույց տալ, որ, գնդակին տիրապետելով, կարող ենք գրոհել», - ասել է նա:

ԱՄՈՒՄՆԱՆՈՒՄ Է

Victoria's Secret աշխարհահռչակ բրենդի հայ մոդել Ռուբինա Խանգուլյանը պատրաստվում է հարսանիքին:

Մոդելն ինստագրամյան էջում կիսվել է «սթորիներով», որոնցում երեւում է, թե ինչպիսի Bride to be արարողություն են ընկերուհիները կազմակերպել իր համար:

«Սա լավագույն ճանապարհորդությունն էր, որի մասին ես կարող էի երազել», - գրել է Ռուբինան:

Մոդելն իր էջում, սովորաբար, չի հանրայնացնում անձնականը, բայց նրա ընկերները հաճախ են նրան նշում սիրելիի՝ Գաբրիել Ռոսենի հետ համատեղ լուսանկարներում:

Ռուբինան ծնվել է Երեւանում, սակայն մանկության շրջանում տեղափոխվել է Իսպանիա, որտեղ ապրել է 13 տարի, մինչեւ որ ընտանիքով որոշել են մեկնել Միացյալ Նահանգներ:

● Հունիսի 8-ին Հ. Պարոնյանի անվան երաժշտական կոմիտեի պետական թատրոնում տեղի կունենա «Բանալի՝ երկուսի համար» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՍՅՈՒՆԷ ՀԱՄԱՐՈՂՈՒՄՅԱՆԻ

ԱՊԱՍՏԱՐԱՆ

ՀԱՐՑ. Մեկ անգամ աղափսան սսանալու հայց ներկայացրել եմ, բայց սխալ կա մեջը. կարո՞ղ եմ էլի ներկայացնել:

Նարբե Աբրահամյան (32 տարեկան)



ՊԱՍՏԱՆԱՆ. Ապաստանի դիմումի վերջնական (ներառյալ դատական կարգով) մերժումից հետո կարող եք կրկին դիմում ներկայացնել Սիգրացիոն ծառայություն՝ Հայաստանում ապաստան ստանալու համար, եթե

- առաջացել են նոր հանգամանքներ, որոնք նախկին դիմումի քննության ժամանակ չեն եղել,
- Դուք ունեք նոր ապացույցներ, որոնք նախկին դիմումի քննարկման ժամանակ չէք կարողացել ներկայացնել:

ՍԱԿ ՓԳՀ Հայաստան

«ԺՈՂՎՈՒՐԳ». Նոր դիմումի քննարկման ժամանակահատվածում Դուք ունեք ապաստան հայցող անձանց համար սահմանված նույն իրավունքները եւ պարտականությունները, որոնք ունեիք Ձեր առաջին դիմումի քննարկման ընթացքում:

ԻՐԱՎՈՒՆՔ

ՀԱՐՑ. Ո՞վ է հեղինակային իրավունքի սերը. ըստ օրենքի՞ ինչդե՞ս է սահմանվում:

Հրանտ Քոչարյան (24 տարեկան)



ՊԱՏԱՆԱՆ. Հեղինակ է ճանաչվում այն ֆիզիկական անձը, ում ստեղծագործական, մտավոր աշխատանքի արդյունքում ստեղծվել է ստեղծագործությունը («Հեղինակային իրավունքի եւ հարակից իրավունքների մասին» ՀՀ օրենքի 6-րդ հոդված):

Հեղինակը կարող է իր բացառիկ գույքային իրավունքները փոխանցել կամ օգտագործման թույլտվություն տրամադրել այլ անձանց, որոնք հեղինակից ձեռք բերելով այդ իրավունքները՝ դառնում են ստեղծագործության նկատմամբ հեղինակային իրավունքի իրավատեր:

Մտավոր սեփականության գրասենյակ

«ԺՈՂՎՈՒՐԳ». Հեղինակային իրավունքով պահպանվող ստեղծագործությունների հեղինակները եւ նրանց ժառանգներն ու իրավահաջորդները (որոնք սովորաբար կոչվում են իրավատերեր) օգտվում են «Հեղինակային իրավունքի մասին» օրենքով տրամադրվող իրավունքներից:

ԼՈՒՐ ԿԱԴՐ

Լուսանկարը՝ համացանցից



Ավարտվեց երեանյան ամենասպասված իրադարձությունը. «Երեանի գիտու օրեր» փառատոնը յուրաքանչյուր տարի քաղաքի սրտում մեկտեղում է լավագույն հայկական գինիներն ու երաժշտությունը, բարձր տրամադրությունն ու համեղ խորտիկները: Այդ օրերին հայկական տասնյակ ընկերությունների պատրաստած գինին փորձելու համար Երեանի կենտրոնական փողոցներ են գալիս ոչ միայն քաղաքի բնակիչները, այլև բազմաթիվ գինետերներ մարզերից եւ աշխարհի տարբեր երկրներից, սակայն հարսանիք փառատոնի ընթացքում առաջին անգամ է նշվում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+ 7 + 12 +20 + 24	☾	Արարատ	+18+20 +30 + 32
☾	Կոտայքի լեռներ	+ 8 + 11 +20 + 23	☾	Արմավիր	+17+19 +27+29
☾	Կոտայքի նախալեռներ	+17+19 +24 + 26	☾	Վայոց ձորի լեռներ	+ 8 + 10 +19 + 22
☾	Գեղարքունիք	+ 7 + 13 +18 + 21	☾	Վայոց ձորի նախալեռներ	+18+20 +25+28
☾	Լոռի	+11+16 +21 + 26	☾	Սյունիքի հովիտներ	+18 + 21 +27 + 31
☾	Տավուշ	+14+18 +25 + 29	☾	Սյունիքի նախալեռներ	+10 + 15 +21 + 24
☾	Արագածոտնի լեռներ	+ 8 + 11 +19 + 22	☾	Արցախ	+18+ 21 +27 + 31
☾	Արագածոտնի նախալեռներ	+15 + 19 +26 + 30	☾	Երեան	+17+ 19 +29 + 31

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության **6.6.2023**
Պատկերը հեղինակի մտքի և արտահայտության է

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: